



ADDENDA AO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CONCELLO DE ORTIGUEIRA PARA O DESENVOLVEMENTO DE ACTIVIDADES DE PROMOCIÓN DEPORTIVA NO ÁMBITO RURAL LOCAL

Santiago de Compostela, 05/11/2024

REUNIDOS

Dunha parte, Diego Calvo Pouso, conselleiro de Presidencia, Xustiza e Deportes, en nome e representación da Xunta de Galicia, en virtude do Decreto 44/2024 do 14 de abril, polo que se nomean os titulares das consellerías da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia.

Por outra parte, Jose Valentín Calvin Fondevila, alcalde do Concello de Ortigueira en virtude das facultades representativas que lle atribúen os artigos 21.1.b) da Lei 7/1985, de 2 de abril, reguladora das bases do réxime local e 61.1.a) da Lei 5/1997, do 22 de xullo, de Administración local de Galicia.

As persoas reunidas actúan no exercicio dos seus cargos e, na representación que exercen, recoñécense capacidade para obrigarse nos termos do presente convenio de colaboración, e para o efecto

Ambas as dúas partes recoñécense mutuamente, na calidade en que interveñen, capacidade legal suficiente para formalizar a presente addenda ao convenio asinado o 30/08/2024 e para o efecto,

EXPOÑEN

I. Conscientes da importancia da colaboración económica entre as Administracións Públicas no referente á obriga dos concellos de prestar á súa cidadanía servizos públicos que contribúan a satisfacer as necesidades e aspiracións da veciñanza, entre os que se atopan a promoción do deporte e instalacións deportivas e de ocupación do tempo libre, asinouse con data 30 de agosto de 2024 un convenio de colaboración entre a Consellería de Presidencia, Xustiza e Deportes e o Concello de Ortigueira para "o desenvolvemento de actividades de promoción deportiva no ámbito rural"

O importe total das actuacións a realizar ao abeiro deste convenio ascende á cantidade á **cantidade de cincuenta e un mil euros (51.000 €)** IVE incluído.

II. O 4 de outubro de 2024 o Concello de Ortigueira achega unha solicitude de modificación do Convenio, mantendo a contía do mesmo, e reestructurando o contido das actividades respectando o criterio xeral de participación do mundo rural.

As modificacións suporían incorporar na "**Iniciativa B.- Nas actividades de promoción do deporte na rúa e popular**" as actividades consistentes en actividades de promoción deportiva que se realizarán nos campos municipais de fútbol, e no polideportivo municipal, así como no resto de instalacións deportivas municipais. Trátase de xornadas de participación abertas o



publico para a promoción deportiva, mediante actividades, xogos e participación de clubs e deportistas.

III.- Co fin de estudar a proposta anterior, en data 7 de outubro de 2024 reuniuse a comisión mixta de seguimento integrada por dous representantes da Consellería de Presidencia, Xustiza e Deportes e dous representantes do Concello de Ortigueira e propúxose a formalización dunha addenda.

IV.- Atendendo a esta solicitude, a Consellería de Presidencia, Xustiza e Deportes e o Concello de Ortigueira, acordan subscribir esta addenda consonte ás seguintes:

CLÁUSULAS

PRIMEIRA.- Modificación do apartado B da cláusula primeira

B.- Actividades de promoción do deporte na rúa e popular.

Neste contexto abordase a carreira popular Concello de Ortigueira para o mes de Agosto, e as Olimpíadas Rurais de Couzadoiro no mes de setembro.

No primeiro caso tratase dunha consolidada carreira popular con participación de deportistas de todas as idades, nun circuíto urbano, nun concepto de deporte para todos e de participación popular.

Os Olimpíadas rurais de Couzadoiro son un exemplo de recuperación de actividades tradicionais cun compoñente lúdico e deportivo, onde os participantes desenvolven tarefas de campo a través dunha practica deportiva tradicional, relacionados coas colleitas, picaraña e actividades tradicionais.

Ademais realizaranse actividades de promoción deportiva que se realizarán nos campos municipais de fútbol, e no polideportivo municipal, así como no resto de instalacións deportivas municipais, nestes casos para o fomento da actividade deportiva. Trátase de xornadas de participación abertas o público para a promoción deportiva, mediante actividades, xogos e participación de clubs e deportistas.

O importe estimado de 13.500 euros corresponde a facturación de servizos profesionais para o desenvolvemento das mencionadas actividades.

SEGUNDA.- Rexistros públicos de axudas

As partes asinantes da addenda manifestan o seu consentimento para que os datos persoais que constan nesta addenda, así como o resto das especificacións contidas na mesma, poidan ser publicados no Portal da Transparencia e Goberno Aberto.

De acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións administrativas da Xunta de Galicia, o concello consente expresamente a inclusión e publicidade dos datos relevantes referidos á subvención obxecto deste convenio nos rexistros públicos



citados, creados polos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Así mesmo consinte na publicación da addenda que esixe a Lei 1/2016, do 18 de xaneiro, de transparencia e bo goberno no artigo 15 referido as obrigas específicas de información sobre convenios.

E en proba de canto antecede, as partes que interveñen asinan a presente addenda na data e hora sinaladas na sinatura electrónica

O conselleiro de Presidencia, Xustiza e
Deportes
Diego Calvo Pouso

O alcalde do Concello Ortigueira
Jose Valentín Calvín Fondevila